

摘藻堂四庫全書薈要

集部

欽定四庫全書薈要

集部

御定全唐詩卷二十八

九

詳校官候補通司經歷臣郭祚熾

欽定四庫全書薈要卷一萬七千四百三十三

集部

御定全唐詩卷二十八

雜曲歌辭

竹枝

顧況竹枝本出於巴渝唐貞元甲刻禹錫在元和以俚歌鄙陋乃依騷人九歌作

竹枝新辭九章教里中兒歌之由是咸於貞元元和之間其音協黃鍾羽末如吳聲含思宛轉

有淇澗

之豔

帝子蒼梧不復歸
洞庭葉下荆雲飛
巴人夜唱竹枝後
腸斷曉猿聲漸稀

同前 劉禹錫

白帝城頭春草生
白鹽山下蜀江清
南人上來歌一曲
北人莫上動鄉情

山桃紅花滿上頭
蜀江春水拍江

一作山

流花紅易衰似

郎意水流無限似儂愁

江上朱樓新雨晴
灤西春水穀文生
橋東橋西好楊柳
人來人去唱歌行

日出三竿春霧消
江頭蜀客駐蘭橈
憑寄狂夫書一紙

住在成都萬里橋

兩岼山花似雪開
家家春酒滿銀杯
昭君房中多女伴
永安宮外踏青來

瞿塘嘈嘈十二灘
此中

集作
人言

道路古來難
長恨人心不

如水等閒平地起波瀾

巫峽蒼蒼烟雨時
清猿啼在最高枝
箇裏愁人腸自斷
由來不是此聲悲

城西門前灩澦堆
年年波浪不能摧

集作
推

懊惱

集作
恨

人

心不如石少時東去復西來

山上層層桃李花雲間煙火是人家
銀釧金釵來負水
長刀短笠去燒畬

同前

劉禹錫

楊柳青青江水平聞郎江上唱歌聲
東邊日出西邊雨

道是無情

一作晴

還

集作却

有情

一作晴

楚水巴山江雨多巴人能唱本鄉歌
今朝北客思歸去

迴入紆那披綠蘿

同前

白居易

瞿塘峽口冷

集作水

烟低白帝城頭月向西唱到竹枝聲

咽處寒猿晴

集作聞

鳥一時啼

竹枝苦怨怨何人夜靜山空歇又聞蠻兒巴女齊聲唱
愁殺江樓病使君

巴東船舫上巴西波面風生兩脚齊水蓼冷花紅簇簇

江蘼溼葉碧萋萋

集作淒淒

江畔誰人唱竹枝前聲斷咽後聲遲怪來調苦綠詞苦

多是通州司馬詩

同前

李涉

荆門灘急水潺潺兩岸猿啼烟滿山渡頭年少

一作少年

應

官去月落西陵望不還

巫峽雲開神女祠綠潭紅樹影參差下牢戍口初相問
無義灘頭剩別離

石壁千重樹萬重白雲斜掩碧芙蓉昭君溪上年年月

獨自

集作
偏照

嬋娟色最濃

十二峯頭月欲低空濛集作江上子規啼孤舟一夜東

歸客泣向春集作風憶建溪

同前

孫光憲

門前春水白蘋花岸上無人小艇斜商女經過江欲暮

散拋殘食飼神鴉

亂繩千結絆人深越羅萬丈表長尋楊柳在身垂意緒
藕花落盡見蓮心

楊柳枝

白居易 楊柳枝者古題所謂折楊柳
本白居易洛中所製宣宗朝國樂唱是

辭帝問永豐在何處因取兩株
植於禁中居易又作辭一章

一樹春風萬萬枝嫩於金色軟於絲永豐西角荒園裏
盡日無人屬阿誰

一樹衰殘委泥土雙枝榮耀植天庭定知玄象今春後
柳宿光中添兩星

同前

白居易

六么水調家家唱白雪梅花處處吹古歌舊曲君休聽
聽取新翻楊柳枝

陶令門前五樹亞夫營裏百千條
何似東都正二月黃金枝映洛陽橋

依依嫋嫋復青青
句引清

集作春

風無限情白雪花繁空

撲地綠絲條弱不勝鶯

紅板江橋青酒旗
館娃宮暖日斜時
可憐雨歇東風定
萬樹千條各自垂

蘇州楊柳任君誇
更有錢塘勝館娃
若解多情尋小小
綠楊深處是蘇家

蘇家小女舊知名楊柳風前別有情剝條盤作銀環樣
卷葉吹為玉笛聲

葉含濃露如啼眼枝嫋輕風似舞腰小樹不禁攀折苦
乞君留取兩三條

人言柳葉似愁眉更有愁腸似柳絲柳絲挽斷腸牽斷
彼此應無續得期

同前

盧貞

一樹依依在永豐兩枝飛去杳無蹤玉皇曾采人間曲

應逐歌聲入九重

同前

劉禹錫

塞北梅花羌笛吹
淮南桂樹小山詞
請君莫奏前朝曲
聽唱新翻楊柳枝

南陌東城春早時
相逢何處不依依
桃紅李白皆誇好
須得垂楊相發輝

鳳闕輕遮翡翠帷
龍墀遙望麴塵絲
御溝春水柳

集作相

暉映狂殺長安年少兒

金谷園中鶯亂飛
銅駝陌上好風吹
城東

集作中

桃李須

與盡爭似垂楊無限時

花萼樓前初種時
美人樓上鬪腰支
如今拋擲上

一作長

街裏露葉如啼欲恨誰

煬帝行宮汴水濱
數株殘

集作枝楊

柳不勝春
昨來風起

集作

晚花如雪飛入宮牆不見人

御陌青門拂地垂
千條金縷萬條絲
如今縮作同心結

將贈行人知不知

城外春風滿集作吹酒旗行人揮袂日西時長安陌上無

窮樹唯有垂楊管別離

輕盈婀娜占春華舞榭妝樓處處遮春盡絮飛集作花雷

不得隨風好去落誰家

同前劉禹錫

楊子江頭烟景迷隋家宮樹拂金堤嵯峨猶有集作是當

時色半蘸波中水鳥棲

迎得春光先到來淺黃輕綠映樓臺只緣婀娜多情思

便被春風長請按

集作
借猜

巫峽巫山楊柳多朝雲暮雨遠相和因想陽臺無限事

為君迴唱竹

集作
柳

枝歌

同前

李商隱

暫憑樽酒送無憀莫損愁眉與細腰人世死前唯有別
春風爭擬惜長條

含烟惹霧每依依萬緒千條拂落暉為報行人休盡折
半留相送半迎歸

同前

韓琮

梁苑隋堤事已空
萬條猶舞舊春風
那堪更想千年後
誰見楊花入漢宮

同前

施肩吾

傷見路傍

集作邊

楊柳春一枝折盡一重新
今年還折去

年處不送去年離別人

同前

溫庭筠

宜春苑外最長條
閒嫋春風伴舞腰
正是玉人腸斷處

一渠春水赤欄橋

南內牆東御路傍
預知春色柳絲黃
杏花未肯無情思
何事情人最斷腸

蘇小門前柳萬條
毵毵金線拂平橋
黃鶯不語東風起
深閉朱門伴細腰

金縷毵毵碧瓦溝
六宮眉黛惹春愁
晚來更帶龍池雨
半拂欄干半入樓

館娃宮外鄴城西
遠映征帆近拂堤
繫得王孫歸意切

不關春草綠萋萋

兩兩黃鸝色似金
嫋枝啼露動芳音
春來幸自長如線
可惜牽纏蕩子心

御柳如絲映九重
鳳窗柱繡芙蓉
景陽樓畔千條露
一面新妝待曉鍾

織錦機邊鶯語頻
停梭垂淚憶征人
塞門三月猶蕭索
縱有垂楊未覺春

同前

皇甫松

春入行宮映翠微
玄宗侍女舞烟絲
如今柳向空城綠
玉笛何人更把吹

爛漫春歸水國時
吳王宮殿柳垂絲
黃鶯長叫空閨畔
西子無因更得知

同前

僧齊已

鳳樓高映綠陰陰
凝碧多含雨露深
莫謂一枝柔軟力
幾曾牽破別離心

館娃宮畔響廊前
依託吳王養翠烟
劔去國亡臺榭

集作

殿
毀却隨紅樹噪秋蟬

穠低似中陶潛酒軟極如傷宋玉風多謝將軍遶營種
翠中間卓戰旗紅

高僧愛惜遮江寺遊子傷殘露野橋爭似著行垂上苑
碧桃紅杏對搖搖

同前 張祜

莫折宮前楊柳枝玄宗曾向笛中吹傷心日暮烟霞起
無限春愁生翠眉

凝碧池邊斂翠眉
景陽臺下綰青絲
那勝妃子朝元閣
玉手和烟弄一枝

同前

孫魴

靈和風暖太昌春
舞線搖絲向昔人
何似曉來江雨後
一行如畫隔遙津

彭澤初栽五樹時
只應閒看一枝枝
不知天意風流處
要與佳人學畫眉

暖傍離亭靜拂橋
入流穿檻綠搖搖
不知落日誰相送

魂斷千條與萬條

春來綠樹遍天涯
未見垂楊未可誇
晴日萬株烟一陣
閒坊兼是莫愁家

十首當年有舊詞
唱青歌翠幾無遺
未曾得向行人道
不為離情莫折伊

同前

薛能 乾符五年能為許州刺史令部
伎作楊柳枝健舞復賦其辭為新聲

華清高樹出離宮
南陌柔條帶暖風
誰見輕陰是良夜
瀑泉聲畔月明中

洛橋晴影覆江船
羌笛秋聲濕塞烟
閒想習池公宴罷
水蒲風絮夕陽天

嫩綠輕懸似綴旒
路人遙見隔宮樓
誰能更近丹墀種
解播皇風入九州

暖風晴日斷浮埃
廢路新條發釣臺
處處輕輕集作陰
惆悵後人攀處古人栽

潭上江邊嫋嫋垂
日高風靜絮相隨
青樓一樹無人見
正是女郎眠覺時

汴水高懸百萬條
風清兩岸一時搖
隋家力盡虛栽得
無限春風屬聖朝

和花烟樹九重城
夾路春陰十萬營
唯向邊頭不堪望
一株顛顚少人行

窗外齊垂旭日初
樓邊輕好暖

集作
暖好

風徐遊人莫道栽

無益桃李清陰却不如

衆木猶寒獨早青
御溝橋畔曲江亭
陶家舊日應如此
一院春條綠遶廳

帳偃纓垂細復繁令人心想石家園風條月影皆堪重
何事侯門愛樹萱

同前

薛能

數首新詞

集作詩

帶恨成柳絲牽我我傷情柔娥幸有腰

支穩試踏吹聲作唱聲

高出軍營遠映橋賊兵曾斫火曾燒風流性在終難改
依舊春來萬萬條

縣依陶令想嫌迂營伴將軍即大廳此日與君除萬恨

數篇風調更應無

狂似纖腰軟勝綿自多情態更誰憐遊人不折還堪恨
拋向橋邊與路邊

朝陽晴照綠楊烟一別通波十七年應有舊枝無處覓
萬株風裏卓旌旄

晴垂芳態吐牙新雨罷輕條濕面春別有出牆高數尺
不知搖動是何人

暖梳簪朶事登樓因挂垂楊立地愁牽斷綠絲攀不得

半空懸著玉搔頭

西園高樹後庭根處處尋芳有折痕終憶舊遊桃葉舍
一株斜映竹籬門

劉白蘇臺總近時當初章句是誰推纖腰舞盡春楊柳
未有儂家一首詩

同前

牛嶠

解凍風來末上青解垂羅袖拜卿卿無端嫋娜臨官路
舞送行人過一生

吳王宮裏色偏深一簇纖條萬縷金不憤錢塘蘇小小

引郎枝

集作松

下結同心

橋北橋南千萬條恨伊張緒不相饒金羈白馬臨風望

認得羊家

一作娘

靜婉腰

狂雪隨風撲馬飛惹烟無力被風歆莫教移入靈和殿

宮女三千又如伊

裊翠籠烟拂暖波舞裙新染麴塵羅章華臺畔隋堤上

倚得春風爾許多

同前
和凝

軟碧搖烟似送人
映花時把翠眉嚙
青青自是風流主
漫颭金絲待洛神

瑟瑟羅裙金縷腰
黛眉偎破未重描
醉來咬損新花子
拽住仙郎儘放嬌

鵲橋初就咽銀河
今夜仙郎自性和
不是昔年攀桂樹
豈能月裏索姮娥

同前
孫光憲

問集作

門風暖落花乾飛遍江南雪不寒獨有晚來臨

水驛間人多凭赤闌干

有池有榭即濛濛浸潤翻成長養功恰似有人長點檢
著行排立向春風

根柢雖然傍濁河無妨終日近笙歌集作金帶誰

堪比還笑黃鶯不較多

萬株枯槁怨亡隋似弔吳臺各自垂好是淮陰明月裏
酒樓橫笛不勝吹

浪淘沙

劉禹錫

九曲黃河萬里沙
浪淘風簸自天涯
如今直上銀河去
同到牽牛織女家

洛水橋邊春日斜
碧流輕

集作清

淺見瓊沙無端陌上狂

風急驚起鴛鴦出浪花

汴水東流虎眼文
清淮曉色鴨頭春
君看渡口淘沙處
渡却人間多少人

鸚鵡洲頭浪颭沙
青樓春望日將斜
銜泥燕子爭歸舍

獨自狂夫不憶家

濯錦江邊兩岼花
春風吹浪正淘沙
女郎剪下鴛鴦錦
將向中流足晚霞

日照澄洲江霧開
淘金

集作沙

女伴滿江隈
美人首飾侯

王印盡是沙中浪
底來

八月濤聲吼地來
頭高數丈觸山迴
須臾却入海門去
卷起沙堆似雪堆

莫道讒言如浪深
莫言遷客似沙沈
千淘萬漉雖辛苦

吹盡狂沙始到金

流水淘沙不暫停前波未滅後波生令人忽憶瀟湘渚
迴唱迎神三兩聲

同前

白居易

一泊沙來一泊去一重浪滅一重生相攪相淘無歇日
會教山海一時平

白浪茫茫與海連平沙浩浩四無邊暮去朝來淘不住
遂令東海變桑田

青草湖中萬里程
黃梅雨裏一人行
愁見灘頭夜泊處
風翻暗浪打船聲

借問江河與海水
何似君情與妾心
相恨不如潮有信
相思始覺海非深

海底飛塵終有日
山頭化石豈無時
誰道小郎拋小婦
船頭一去沒迴期

隨波逐浪到天涯
遷客生還幾家
却到帝鄉重富貴
請君莫忘浪淘沙

同前

皇甫松

灘頭細草接疎林，浪惡曾船半欲沈。
宿鷺眠洲非舊浦，去年沙觜是江心。

蠻歌豆蔻北人愁，松雨蒲風夜艇秋。
浪起鵝鵲眠不得，寒沙細細入江流。

紆那曲

劉禹錫

楊柳鬱青青，竹枝無限情。
同郎一回顧，聽唱紆那聲。
踏曲興無窮，調同詞不同。
願郎千萬壽，長作主人翁。

瀟湘神二曲

劉禹錫

湘水流 湘水流 九疑雲物至今愁 君問二妃何處所 零陵香草露中秋

斑竹枝 斑竹枝 淚痕點點寄相思 楚客欲聽瑤瑟怨 瀟湘深夜月明時

拋毬樂

劉禹錫

五綵繡團團 登君玳瑁筵 最宜紅燭下 偏稱落花前 上客如先起 應須贈一船

春早見花枝朝朝恨發遲及看花落後却憶未開時幸
有拋毬樂一杯君莫辭

太平樂

白居易
商調曲也

歲豐仍節儉時泰更銷兵聖念長如此何憂不太平
湛露浮堯酒薰風起舜歌願同堯舜意所樂在人和

同前

王涯

風俗今和厚君王在穆清行看采花曲盡是太階平

同前

張仲素

聖德超千古皇威靜四方蒼生今息戰無事覺時長

集作

良

昇平樂

薛能商
調曲也

正

集作
瑞

氣遶宮樓皇居信上遊遠岡延

集作
連

聖祚平地

載神州會合皆重譯潺湲近八流中興豈假問據此自

千秋

寥泐敞延英朝班立位橫宣傳無草動拜舞有衣聲鴛

瓦雲消濕蟲絲日照明辛勤自不到遙見似前生

集作
程

處處足歡聲

集作心

時康歲已深不同三尺劍應似五絃

琴壽笑山猶盡明嫌日有陰何當憐一物亦遣斷愁吟
曙質絕埃氛彤庭列禁軍聖顏初對日龍尾競緣雲珮
響交成韻簾陰暖帶紋逍遙豈有事於此詠南薰

一物周天至

一作至周天

洪纖盡晏然車書無異俗甲子竝

豐年竒技皆歸朴征夫亦服田君王故不有台鼎合韋

弦

一作賢

日日聽歌謠區中盡祝堯蟲蝗初不害夷狄近全銷史

筆唯書瑞天臺絕見祇因令匹夫志轉欲事清朝
品物盡昭蘇神功復帝謨他時應有壽當代且無虞賜
歷通遐俗移闕入半胡鷓鴣一何幸於此寄微軀

無戰復無私堯時即此時焚香臨極早待月卷簾遲端
拱乾坤內何言甞續垂君看聖明驗只此是神龜

旭日上清穹明堂坐聖聰衣裳承瑞氣冠冕蓋重瞳花
木經宵露旌旗立集作仗風何期於此地見說似仙集作

是神宮

五帝三皇主蕭曹魏邴臣文章惟反朴戈甲盡生塵諫
紙應無用朝綱自有倫昇平不可紀所見是閒人

金縷衣

勸君莫惜金縷衣勸君惜取少年時
花開堪折直須折莫待無花空折枝

鳳歸雲

滕潛

金井欄邊見羽儀梧桐樹上宿寒枝
五陵公子憐文綵畫與佳人刺繡衣

飲啄蓬山最上頭和烟飛下禁城秋曾將弄玉歸雲去
金翻斜開十二樓

拜新月

李端

開簾見新月便即下階拜細語人不聞北風吹裙帶

同前

吉中孚妻張氏

拜新月拜月出堂前暗魄深

集作初

籠桂虛弓未引弦拜

新月拜月妝樓上鸞鏡未

集作始

安臺蛾眉已相向拜新

月拜月不勝情庭前

集作花

風露清月臨人自老望月更

集作人
望月

長生東家阿母亦拜月一拜一悲聲斷絕昔年拜

月逞容儀

集作
輝

如今拜月雙淚垂回看衆女拜新月却

憶紅閨年少時

憶江南

白居易 一曰望江南本名謝秋娘
李德裕鎮浙西為妾謝秋娘製

江南好風景舊曾諳日出江花紅勝火春來江水綠如
藍能不憶江南

江南憶最憶是杭州山寺月中尋桂子郡亭枕上看潮
頭何日更重遊

江南憶其次憶吳宮吳酒一杯春竹葉吳娃雙舞醉芙蓉
早晚復相逢

同前

劉禹錫

春過也共惜豔陽年猶有桃花流水上無辭竹葉醉樽
前惟待見青天

春去也多謝洛城人弱柳從風疑舉袂叢蘭裊露似霑
巾獨笑亦含顰

宮中調笑

王建 亦謂之轉
應詞商調曲也

團扇團扇美人病來遮面玉顏憔悴三年誰復商量管
弦弦管弦管春草昭陽路斷

胡蝶胡蝶飛上金花枝葉君前對舞春風百葉桃花樹
紅紅樹紅樹燕語鶯啼日暮

羅袖羅袖暗舞春風依舊遙看歌舞玉樓好日新妝坐
愁愁坐愁坐一世虛生虛過

楊柳楊柳日暮白沙渡口船頭江水茫茫商人少婦斷
腸腸斷腸斷鷓鴣夜飛失伴

同前 韋應物

胡馬胡馬遠放燕支山下吃沙吃雪獨嘶東望西望路
迷迷路迷路邊草無窮日暮

河漢河漢曉挂秋城漫漫愁人起望相思江南塞北別
離離別離別河漢雖同路絕

轉應詞 戴叔倫

邊草邊草邊草盡來兵老山南山北雪晴千里萬里月
明明月明月胡笳一聲愁絕

宮中行樂詞

李白

小小生金屋，盈盈在紫微。
山花插寶髻，石竹繡羅衣。
每

出深宮裏，常隨步輦歸。
只愁歌舞散，

一作罷

化作綵雲飛。

柳色黃金嫩，梨花白雪香。
玉樓巢

一作闕

翡翠金

一作珠

殿

鎖鴛鴦，選妓隨雕

一作朝

輦。徵歌出洞房，宮中誰第一飛

燕在昭陽。

盧橘為秦樹，蒲萄出

一作是

漢宮。烟花宜落日，絲管醉春

風。笛奏龍鳴水，簫吟鳳下空。
君王多樂事，何必向回中。

集作還與

萬方同

玉樹

一作殿

春歸日

一作好

金宮樂事多後庭朝未入輕輦

夜相過笑出花間語嬌來燭

一作竹

下歌莫教明月去留

著醉姮娥

繡戶香風暖紗窗曙色新宮花爭笑日池草暗生春綠

樹聞歌鳥青樓見舞人昭陽桃李月羅綺自

一作坐

相親

今日明光裏還須結伴遊春風開紫殿天樂下珠樓豔
舞全知巧嬌歌半欲羞更憐花月夜宮女笑藏鉤

寒雪梅中盡春風柳上歸宮鶯嬌欲醉簷燕語還飛遲
日明歌席新花豔舞衣晚來移綵仗行樂泥光輝

水綠南薰殿花紅北闕樓鶯歌聞太液鳳吹遶瀛洲素
女鳴珠佩天人弄綵毬今朝風日好宜入未央遊

宮中樂

令狐楚

楚塞金陵靜巴山玉壘空萬方無一事端拱大明宮
霜霽長楊苑冰開太液池宮中行樂日天下盛明時
柳色烟相似梨花雪不如春風真有意一一麗皇居

月上宮花靜烟含苑樹深銀臺門已閉仙漏夜沈沈
九重青鎖闥百尺碧雲樓明月秋風起珠簾上玉鉤

同前

張仲素

網戶交如綺紗窗薄似烟樂吹天上曲人是月中仙
翠匣開寒鏡珠釵挂步搖妝成祇畏曉更漏促春宵

江

集作紅

果瑤池實金盤露井冰甘泉將避暑臺殿曉光

凝

月彩浮鸞殿砧聲隔鳳樓笙歌臨水檻紅燭乍迎秋

多
奇樹留寒翠神池結夕波黃山一夜雪渭水雁

集作
瀉

聲

踏歌詞

崔液

綵女迎金屋仙姬出畫堂鴛鴦裁錦袖翡翠帖花黃歌
響舞分行豔色動流光

庭際花微落樓前漢已橫金壺催夜盡羅袖拂寒輕樂
笑暢歡情未半著天明

同前

謝偃

春景嬌春臺新露泣新梅春葉參差吐新花重疊開花
影飛鶯去歌聲度鳥來倩看飄飄雪何如舞袖迴

逶迤度香閣顧步出蘭閨欲遠鴛鴦殿先過桃李蹊風
帶舒還卷簷花舉復低欲問今宵樂但聽歌聲齊

夜久星沈沒更深月影斜裙輕纔動佩鬟薄不勝花細
風吹寶袿輕露濕紅紗相看樂未已蘭燈照九華

同前

張說

花萼樓前雨露新長安城裏太平人龍銜火樹千燈

集作

重
豔雞踏

一作
上

蓮花萬歲春

帝宮三五戲春臺
行雨流風莫妒來
西域燈輪千影合
東華金闕萬重開

踏歌行

劉禹錫

春江月出大堤平
堤上女郎連袂行
唱盡新詞看

一作
歡

不見紅霞影

集作
映

樹鷓鴣鳴

桃蹊柳陌好經過
燈下妝成月下歌
為是襄王故宮地
至今猶自細腰多

新詞宛轉遞相傳
振袖傾鬟風露前
月落烏啼雲雨散

遊童陌上拾花鈿

日暮江頭

集作南

聞竹枝南人行
樂北人悲自從雪裏唱

新曲直至三春花盡時

天長地久詞

盧綸其和云
天長久萬年昌

玉砌紅花樹香風不敢吹
春光解天意偏發殿南枝

虹橋千步廊半在水中央
天子方清暑宮人重暮

集作娃起

夜妝

辭輦復當熊傾心奉上

集作六

宮君王若看貌甘在衆妃

中

雲日呈祥禮物殊北庭生獻五單于塞天

集作垣

萬里無

飛鳥可在

集作是

邊城用郅都

臺殿雲涼風日

集作秋色深

微君王初賜六宮衣樓船罷泛

集作泛罷

歸猶早行道

集作造

才人鬪射飛

欸乃曲

元結棹船聲也

欸乃

偏

集作偶

存名跡在人間順俗與時未安間來謁大官兼

問政扁舟却入九疑山

湘江二月春水平
滿月和風宜夜行
唱橈欲過平陽戍
守吏相呼問姓名

千里楓林烟雨深
無朝無暮有殘吟
停橈靜聽曲中意
好是雲山韶濩音

零陵郡北湘水東
浯溪形勝滿湘中
溪口石顛堪自逸
誰能相伴作漁翁

下瀧船似入深淵
上瀧船似欲昇天
瀧南始到九疑郡

應絕高人乘興船

十二月樂辭

李賀

正月

上樓迎春新春歸

一作正月上樓迎春歸

暗黃著柳宮漏遲薄薄

淡靄弄野姿寒綠幽泥

集作風

生短絲錦牀曉卧玉肌冷

露臉未開對朝暝官街柳帶不堪折早晚菖蒲勝綰結

二月

二月飲酒采桑津宜男草生蘭笑人蒲如交劍

一作紋刀

風

如薰勞勞胡燕怨
酣春薇帳逗烟生
綠塵一作香
峨眉愁暮雲
昏起舞真珠裙
津頭送別唱流水
酒客背寒南山死

三月

東方風來滿眼春
花城柳暗一作禁
愁幾一作殺
人複宮深

殿竹風起新翠舞
襟靜一作淨
如水光風轉蕙
百餘里暖

霧驅雲撲天地軍
裝宮妓掃蛾淺
搖搖錦旗夾城
暖曲

水飄香去不歸
梨花落盡成秋
苑一作愁

四月

曉涼暮涼樹如蓋
千山濃綠生雲外
依微香雨青氛氲

一作過
清氛

膩葉蟠花照曲門
金塘閒水搖碧漪
老景沈重

一作
帖

無驚飛墮紅殘萼
暗參差

五月

雕玉押簾上

一作雕玉
簾押上

輕縠籠虛門
井汲鉛華水
扇織

鴛鴦文回雪
舞涼殿
甘露洗空綠
羅袖從徊翔

一作羅
紋從風

翔

香汗霑寶粟

六月

裁生羅伐湘竹帔

一本無帔字

拂疎霜簟秋玉炎炎紅鏡東

方開暈如車輪上徘徊啾啾赤帝騎龍來

七月

星依雲渚冷露滴盤中圓好花生木末衰蕙愁空

一作故

園夜天如玉砌池葉極青錢僅厭舞衫薄稍知花簟寒
曉風何拂拂北斗光闌干

八月

嬾一作

妾怨長夜

集作夜長

獨客夢歸家傍簷蟲緝

一作織

絲

向壁燈垂花簷外月光吐簾中

集作內

樹影斜悠悠飛露

姿點綴池中荷

九月

離宮散螢天似水竹黃池冷芙蓉死月綴金鋪光脉脉
涼苑虛庭空澹白霜花飛飛風草草翠錦爛斑滿層道
雞人罷唱曉瓏璵鴉啼金井下疎桐

十月

玉壺銀箭稍難傾，
釭花夜笑凝幽明。
碎霜斜舞上羅幕，
燭籠兩行照飛閣。
珠帷怨卧不成眠，
金鳳刺衣著體寒。
長眉對月鬪彎環。

十一月

宮城團回凜嚴光，
白天碎碎墮瓊芳。
搥鍾高飲千日酒，
却天凝寒作君壽。
御溝泉一作冰合如環，
素火井溫水在何處。

十二月

日脚淡光紅灑灑薄霜不銷桂枝下依稀和氣解冬嚴
已就長日辭長夜

閏月

帝重光年重時七十二候回環推天官玉琯灰剝飛今
歲何長來歲遲王母移桃獻天子羲氏和氏迂龍轡

桃花行

張仁宣自朔方入朝帝宴之西苑之桃
花園命李嶠等各賦絕句明日宴承慶

殿令宮中善謳者唱
之樂府號桃花行

歲去無言忽顚顚時來含笑吐氛氲不能擁路迷仙客

故欲開蹊侍聖君

李嶠

綺萼成蹊遍籞芳
紅英撲地滿筵香
莫將秋宴傳王母

來比春華壽

集作奉

聖皇

李又

源水叢花無數開
丹跗紅萼間青梅
從今結子三千歲

預喜仙游復摘來

徐彦伯

桃花灼灼有光輝
無數成蹊點更飛
為見芳林含笑待

遂同溫樹不言歸

蘇頌

紅萼競妍

集作然

春苑曙粉茸新向

集作吐

御筵開長年願

奉西王宴

集作母

近侍慙無東朔才

趙彥昭

蘇摩遮

張說 潑寒胡戲所
歌其和聲云德尚樂

摩遮本出海西胡琉璃寶服紫髯聞道皇恩遍宇宙
來時歌舞助歡娛

繡裝怕額寶花冠夷歌騎舞借人看自能激水成陰氣
不慮今年寒不寒

臘月凝陰積帝臺豪歌擊鼓送寒來油囊取得天河水
將添上壽萬年杯

寒氣宜人最可憐
故將寒水散庭前
惟願聖君無限壽
長取新年續舊年

昭成皇后帝家親
榮樂諸人不比倫
往日霜前花委地
今年雪後樹逢春

舞馬詞

張說 其和聲前二曲云聖代
升平樂後四曲云四海和平樂

萬玉朝宗鳳宸
千金率領龍媒
眇鼓凝驕蹀躞
聽歌弄影徘徊

天祿遙徵衛叔日
龍上借義和將
共兩驂爭舞來
隨八

駿齊歌

綵旄八佾成行時龍五色因方屈膝銜杯赴節傾心獻
壽無疆

帝阜龍駒沛艾星蘭驥子權竒騰倚驥洋應節繁驕接
迹不移

二聖先天合德羣靈率土可封擊石驂驛紫燕撻金顧
步蒼龍

聖君出震應錄神馬浮河獻圖足踏天庭鼓舞心將帝

樂跣躄

舞馬千秋萬歲樂府詞

張說

金天誕聖千秋節玉醴還分萬壽觴
試聽紫騮歌樂府何如駮驥舞華岡
連騫勢出魚龍變蹀躞驕生鳥獸行
歲歲相傳指樹日翩翩來伴慶雲翔

聖王

集作皇

至德與天齊天馬來儀自海西
腕足齊行拜

兩膝繁驕不進蹈千蹄鬃鬣奮鬣時
蹲踏鼓怒驤身忽上躋更有銜杯終宴曲
垂頭掉尾醉如泥

遠聽明君愛逸才玉鞭金翅引龍媒不因茲白人間有
定是飛黃天上來影弄日華相照耀噴含雲色且徘徊
莫言闕下桃花舞別有河中蘭葉開

小曲新詞

白居易 小曲及閨
怨竝元和 中奉勅撰

霽色鮮宮殿秋聲脆管弦聖明千歲樂歲歲似今年

紅裙

集作
裙

明月夜碧殿

集作
簾

早秋時好向昭陽宿天涼

玉漏遲

閨怨詞

白居易

朝憎鶯百轉夜妒燕雙棲不慣經春別誰知到曉啼
珠箔籠寒月紗窗背曉燈夜來巾上淚一半是春冰
關山征戍遠閨閣別離難苦戰應顛顛寒衣不要寬

皇帝感詞

盧綸

提劍雲

集作風

雷動垂衣日月明禁花呈瑞色國老見星

精發棹魚先躍窺巢鳥不驚山呼一萬歲直入九重城

天衣

集作香

五鳳彩御馬六龍文雨露清馳道風雷翊上

軍高於花外轉行漏樂前聞時見金鞭舉空中指瑞雲

妙算干戈止神謀宇宙清
兩階文物盛七德武功成
校獵長楊苑屯軍細柳營
歸來獻明主歌舞隘集作春城
天樂下天中雲輶儼在空
鉛黃豔河漢語笑合笙鏞
已見長隨鳳仍聞不避熊
君王親試舞閭闔靜無風

御定全唐詩卷二十八

欽定四庫全書薈要卷一萬七千四百三十四

集部

御定全唐詩卷二十九

雜歌謠辭

聲比於琴瑟曰
歌徒歌曰謠

漁父歌

張志和

西塞山邊

集作
前

白鷺飛桃花流水鱖魚肥青箬笠綠蓑

衣春江

一作
斜風

細雨不須歸

釣臺漁父褐為裘兩兩三三舴艋舟能縱棹慣乘流長

江白浪不曾憂

雪溪灣裏釣漁翁
舴艋為家西復東
江上雪浦邊風笑
著荷衣不歎窮

松江蟹舍主人歡
菰飯莼羹亦共餐
楓葉落荻花乾
醉宿漁舟不覺寒

青草湖中月正圓
巴陵漁父棹歌連
釣車子掘頭船
樂在風波不用仙

同前 和凝

白芷汀寒立鷺鷥
蘋風輕翦浪花時
烟幕幕日遲遲
香

引芙蓉惹釣絲

同前

歐陽炯

風浩寒溪照膽明
小君山上玉蟾生
荷露墜翠煙輕
撥刺遊魚幾處驚

同前

李珣

水接衡門十里餘
信船歸去卧看書
輕爵祿慕玄虛
莫道漁人只為魚

避世垂綸不記年
官高爭得似君閒
傾白酒對青山
笑

指柴門待月還

棹警鷗飛水濺袍影侵潭面柳垂條終日醉絕塵勞曾
見錢塘八月濤

鷄鳴曲

王建

雞初鳴明星照東屋雞再鳴紅霞生海腹百官待漏雙
闕前聖人亦挂山龍服寶釵命婦燈下起環珮玲瓏曉
光裏直內初燒玉按香司更尚滴銅壺水金吾衛裏直
一作郎妻到明不睡聽晨雞天頭日月相送迎夜棲旦

鳴人不迷

同前

李廓

星稀月沒上

集作
八

五更膠膠角角雞初鳴
征人牽馬出

門立辭妾欲向安西行
再鳴引頸蒼頭下月

集作
樓

中角

聲催上馬纔分地色
第三鳴旌旗

一作
柿

紅塵已出城婦

人上城亂招手夫婿不聞遙哭聲
長恨雞鳴別時苦不
遣雞栖近窗戶

吳楚歌

張籍 一曰
燕美人歌

庭前春鳥啄林聲紅夾羅襦縫未成今朝社日停針線
起向朱櫻樹下行

李夫人歌

李商隱

一帶不結心兩股方安髻慙愧白茅人月沒教星替

刺結茱萸枝多擘秋蓮的獨自有波光綵囊盛不得

蠻絲繫條脫妍眼和香屑壽宮不惜鑄南人柔腸早被

秋波

集作
時

割清澄有餘幽素香鰥魚渴鳳真珠房不知

瘦骨類冰井更許夜簾通曉霜土花漠碧

集作
漠

雲忙忙

黃河欲盡天蒼黃

集作
蒼

同前

李賀

紫皇宮殿重重開
夫人飛入瓊瑤臺
綠香繡帳何時歇

青雲無光宮水咽
翩聯桂花墜
秋月孤鸞驚啼商絲發

紅壁

集作
壁

闌珊懸佩璫
歌臺小妓遙相望
玉蟾滴水雞

人唱露華蘭葉參差光

同前

鮑溶

璿闈羽帳華燭陳
方士夜降夫人神
葳蕤半露芙蓉色

窈窕將期環珮身麗如三五月可望難親近
頻黛含犀竟不言春思秋怨誰能問欲求巧笑如生時
歌塵在空瑟銜絲神來未及夢相見帝比初亡心更悲
愛之欲其生又死東流萬代無回水宮漏丁丁夜向晨
煙銷霧散愁方士

同前

張祐

延年不語望三星莫說夫人上涕零爭奈世間惆悵在
甘泉宮夜看圖形

山中孺子妾歌

李白

山中孺子妾特以色見珍雖不如延年妹亦是當時絕
世人桃李出深井花豔驚上春一貴復一賤闔天豈由
身芙蓉老秋霜團扇羞網塵戚姬髡翦
集作髮入春市萬
古共悲辛

臨江王節士歌

李白

洞庭白波木葉稀燕鴻始入吳雲飛吳雲寒燕鴻苦風
號沙宿瀟湘浦節士感秋淚如雨白日當天心照之可

以事明主壯士憤雄風生安得倚天劍跨海斬長鯨

司馬將軍歌

李白代隴
上健兒陳安

狂風吹古月竊弄章華臺北落明星動光彩南征猛將
如雲雷手中電曳集作擊倚天劍直斬長鯨海水開我見

樓船壯心目頗似龍驤下三蜀揚兵習戰張虎旗江中
白浪如銀屋身居玉帳臨河魁紫髯若戟冠崔嵬細柳
開營揖天子始知灞上為嬰孩羌笛橫吹阿驪回向月
樓中吹落梅將軍自起舞長劍壯士呼聲動九垓功成

獻凱見明主丹青畫像麒麟臺

鄭櫻桃歌

李頎

石季龍僭天祿擅雄豪美人姓鄭名櫻桃櫻桃美顏香
且澤娥娥侍寢專宮掖後庭卷衣三萬人翠眉清鏡不
得親宮

集作

宮

一作

庫

女騎一千匹繁花照耀漳河春織

成花映紅綸巾紅旗掣曳鹵簿新鳴輦走馬接飛鳥銅
鈇琴瑟隨去塵鳳陽重門如意館百尺金梯倚銀漢自
言富貴不可量女為公主男為王赤花雙簞珊瑚牀盤

龍斗帳琥珀光淫昏偽位神所惡滅石者陵終不誤鄴
城蒼蒼白露微世事翻覆黃雲飛

襄陽歌

李白

落日欲沒岷山西倒著接蘿花下迷襄陽小兒齊拍手
攔街爭唱白銅鞮傍人借問笑何事笑殺山公醉似泥
鷓鴣杓鸚鵡杯百年三萬六千日一日須傾三百杯遙
看漢水鴨頭綠恰似蒲萄初醱醅此江若變作春酒壘
麴便築糟丘臺千金駿馬換少

集作
少

妾醉

集作
笑

坐雕鞍

歌落梅車傍側挂一壺酒鳳笙龍管行相催咸陽市上
歎黃犬何如月下傾金罍君不見晉朝羊公一片石

一作

一片古
碑材

龜龍

集作
頭

剝落生莓苔淚亦不能為之墮心亦

不能為之哀誰能憂彼身後事金鳧銀鴨葬死灰

集無
此二

句清風朗月不用一錢買玉山自倒非人推舒州杓力

士鎗李白與爾同死生襄王雲雨今安在江水東流猿
夜聲

襄陽曲

李白

襄陽行樂處歌舞白銅鞮江城回淶水花月使人迷

山公醉酒時酩酊裏

集作高

陽下頭上白接羅倒著還騎

馬

峴山臨漢江水淶沙如雪

一作水色如霜雪

上有墮淚碑青苔

久磨滅

且醉習家池莫看墮淚碑山公欲上馬笑殺襄陽兒

蘇小小歌

李賀

幽蘭露如啼眼無物結同心煙花不堪翦草如茵松如

蓋風為裳水為佩油壁車久

集作夕

相待冷翠燭勞光彩

西陵下風吹雨

同前

溫庭筠

買蓮莫破券買酒莫解金酒裏春容抱離恨水中蓮子
懷芳心吳公女兒腰似束家在錢塘小江曲一自檀郎
逐便風門前春水年年綠

同前

張祜

車輪不可遮馬足不可絆長怨十字街使郎心四散

新人千里去故人千里來
剪刀橫眼底方覺淚難裁
登山不愁峻涉海不怨深
中擘庭前棗教郎見赤心

挾瑟歌

陸龜蒙

挾瑟為君撫君嫌聲太古
寥寥倚浪絲噤噤沈湘語
賴有秋風知清冷吹玉柱

勅勒歌

勅勒金隕

溫庭筠
集作憤

壁陰山無歲華
帳外風飄雪營前月

照沙羌兒吹玉管
胡姬踏錦花却笑江南客
梅落不歸

家

黃麀歌

唐書五行志口如意初里中歌黃麀後契丹李盡忠孫萬榮叛陷營州則天令

總管曹仁師王孝傑等將兵百萬討之大敗於破石黃麀谷而死朝廷嘉其忠為造此曲後亦

為舞

曲

黃麀黃麀草裏藏彎弓射爾傷

得休歌

天寶初韋堅為陝郡太守水陸轉運使於長安城東漕水傍穿廣運潭以通吳

會數十郡舟楫先是民間戲唱得休歌及新潭成陝縣尉崔成甫乃翻此調為得實歌集兩縣

官伎女

子唱之

得休紇那也紇囊得休那潭裏船車鬧揚州銅器多三
郎當殿坐聽唱得休歌

得寶歌

得寶弘農野弘農得寶那潭裏船車鬧揚州銅器多三
郎當殿坐聽唱得寶歌

黃臺瓜辭

章懷太子 武后殺太子弘立雍王
賢為太子賢日夜憂惕乃作此辭命

樂工歌之

莫后感悟

種瓜黃臺下瓜熟子離離一摘使瓜好再摘令瓜稀三

摘尚

集作
猶

自可摘絕抱蔓歸

古歌

沈佺期

落葉流風向玉臺夜寒秋思洞房開水精簾外金波下

雲母窗前銀漢迴玉階陰陰苔蘚色君王履綦難再得

璇閨窈窕秋夜長繡戶徘徊秋

集作
明

月光燕姬綵帳芙

蓉色秦子

集作
女

金爐蘭麝香北斗七星橫夜半清歌一

曲斷君腸

同前

薛維翰

美人怨何深，含情倚金閣。
不嘖復不語，紅淚雙雙落。
美人閉紅燭，獨坐裁新錦。
頻放剪刀聲，夜寒知未寢。

黃曇子歌

溫庭筠

參差綠蒲短，搖盪雲

一作春

塘滿紅潏蕩，融融鶯翁灘。
鵝

暖萋芊小域

集作
成

路馬上脩蛾，懶羅衫裏向風點粉金。

鸝卵

邯鄲郭公辭

溫庭筠

金笳悲故曲，玉座積深塵。
言是邯鄲伎，不易鄴城人。
青

苔竟埋骨紅粉自傷神
唯有漳河柳還向舊營春

瑩篔謠

李白

攀天莫登龍走山莫騎虎
貴賤結交心不移唯有嚴陵
及光武周公稱大聖管蔡寧
相容漢謠一斗粟不與淮
南春兄弟尚路人吾心安
所從它人方寸間山海幾千
重輕言託朋友對面九疑
峯多集作花必早落桃李不
如松管鮑久已死何人繼
其蹤

鄴城童子謠

李賀

鄴城中暮塵起將黑丸斫文吏棘為鞭虎為馬團團走
鄴城下切玉劍射日弓獻何人奉相公扶轂來關右兒
香掃塗相公歸

大麥行

杜甫

大麥乾枯小麥黃婦人行泣夫走藏東至集壁西梁洋
問誰腰鑣胡與羌豈無蜀兵三千人部領辛苦江山長
安得如鳥有羽翅託身白雲還故鄉

白鼃鳴

張籍

天欲雨有東風南谿白鼉鳴窟中六月人家井無水夜

聞白鼉

鼉集作
鼉聲

人盡起

步虛詞

陳羽

漢武清齋讀鼎書內官扶上畫雲車壇上月明宮殿閉
仰看星斗禮空虛

同前

顧況

迥步遊三洞清心禮七真飛符起羽翼禁

禁集作
焚

火醮星

辰殘藥霑雞犬靈香出鳳麟壺中無窄處願得一容身

同前 劉禹錫

阿母種桃雲海際
花落子成二

集作三

千歲海風吹折最

繁枝跪捧瓊

集作金

盤獻天帝

華表千年鶴一

集作一鶴

歸凝丹為頂雪為衣
星仙語人聽

盡卻向五雲翻翅飛

同前

韋莊年

玉簡真人降金書
道籙通煙霞方蔽日
雲雨已生風
四極威儀異
三天使命同
那將人世戀
不去上清宮

羽駕正翩翩雲鴻最自然霞冠將月曉珠佩與星連鏤

玉留新訣雕金

集作龍

得舊編不知飛鳥學更有幾人仙

上帝求仙使真符取玉郎三才間布象二景鬱生光騎
吏排龍虎笙歌走鳳凰天高人不見暗入白雲鄉

鸞鶴共徘徊仙官使者催香花三洞啟風雨百神來鳳
篆文初定龍泥印已開何須生羽翼始得上瑤臺

羽節忽排煙蘇君已得仙命風驅日月縮地走山川幾
處留丹竈何時種玉田一朝騎白虎直上紫微天

靜發降靈香思神意智長虎存時促步龍想更成章扣
齒風雷響挑燈日月光仙雲在何處髣髴滿空堂

幾度遊三洞何方召百神風雲皆守一龍虎亦全真執
節仙童小燒香玉女春應須絕巖內委曲問皇人

上法杳無營玄脩似有情道宮瓊作想真帝王為名召
岳驅旌節馳雷發吏兵雲車降何處齋室有仙卿

羽衛一何鮮香雲起莫煙方朝太素帝更向玉清天鳳
曲凝猶吹龍驂儼欲前真文幾時降知在永和年

大道何年學真符此日催還持金作印未要玉為臺羽
節分明授霞衣整頓裁應緣五雲使教上列仙來
獨自授金書蕭條詠紫虛龍行還當馬雲起自成車九
轉風煙合千年井竈餘參差從太一壽等混元初
道學已通神香花會女真霞妝珠斗帳金薦玉輿輪一
室心偏靜三天夜正春靈官竟誰降仙相有夫人
上界有黃房仙家道路長神來知位次樂變協宮商競
把琉璃椀誰傾白玉漿霞衣最芬馥蘇合是靈香

珠佩紫霞纓夫人會八靈太霄猶有觀絕宅豈無形暮
雨徘徊降仙歌宛轉聽誰逢玉妃輦應檢九真經

西海辭金母東方拜木公雲行疑帶雨星步欲凌風羽
袖揮丹鳳霞中曳彩虹飄飄九霄外下視望仙宮

玉樹雜金花天河織女家月邀丹鳳鳥風送紫鸞車霧
縠籠綃帶雲屏列錦霞瑤臺千萬里不覺往來賒

舞鳳凌天出歌麟入夜聽雲容衣眇眇風韻曲泠泠扣
齒端金簡焚香檢玉經仙宮知不遠只近太微星

紫府與玄洲誰來物外遊無煩騎白鹿不用駕青牛
金化顏應駐雲飛鬢不秋仍聞碧海上更用玉為樓

鸞鶴復驂鸞全家去不難雞聲隨羽化犬影入雲看
釀玉當成酒燒金且轉丹何妨五色綬次第給仙官

同前

僧皎然

予因覽真訣遂感西域

集作城

君玉笙下青冥人間未曾

聞日華鍊魂魄皎皎無垢氛謂我有仙骨且令餌氤氲
俯仰媿靈顏願隨鸞鶴羣俄然動風馭縹眇歸青雲

同前

高駢

青溪道士人不識
上天下天鶴一隻
洞門深鎖碧窗寒
滴露研朱寫周易

步虛引

陳陶


小隱山人十洲客
莓苔為衣雙耳白
青編為我忽降書
暮雨虹蜺一千尺
赤城門閉六丁直
曉日已燒東海色
朝天半夜聞玉雞
星斗離離礙龍翼

御定全唐詩卷二十九

謹案卷二十八第九頁前四行景陽樓畔千條露
刊本畔訛伴據飛卿集改

第十四頁前五行莫教移入靈和殿刊本教訛交
據別本改

第三十二頁後三行琉璃寶服紫髯鬚刊本鬚訛
胡今改



總校官庶吉士臣張能照

校對官檢討臣龔大萬

謄錄監生臣樊少臣

欽定四庫全書薈要

集部

御定全唐詩卷

三十五

詳校官候補通政經歷臣郭祚識



欽定四庫全書薈要卷一萬七千四百三十五

集部

御定全唐詩卷三十

王珪

王珪字叔玠太原祁人初為太子舍人太宗知其才召拜諫議大夫推誠納忠多所獻替遷黃門侍郎進侍中

與房玄齡李靖溫彥博戴胄魏徵同知國政嘗於上前品藻諸子多所遜謝至激濁揚清嫉惡好善自謂於數子有一日之長帝深然之時人亦服其確論卒贈吏部

尚書詩二首

詠漢高祖

漢祖起豐沛乘運以躍鱗手奮三尺劍西滅無道秦十
月五星聚七年四海賓高抗威宇宙貴有天下人憶昔
與項王契濶時未伸鴻門既薄蝕滎陽亦蒙塵蟻蚩生
介冑將卒多苦辛爪牙驅信越腹心謀張陳赫赫西楚
國化為丘與榛

詠淮陰侯

秦王日凶慝豪傑爭共亡信亦胡為者劍歌從項梁項
羽不能用脫身歸漢王道契君臣合時來名位彰北討
燕承命東驅楚絕糧斬龍堰淮水擒豹燔夏陽功成享
天祿建旗還南昌千金一作金千答漂母百錢一作錢百酬下鄉
吉凶成糾纏倚伏難預詳弓藏狡兔盡慷慨念心傷

陳叔達

陳叔達字子聰陳宣帝第十六子也善容止有才學在
陳封義陽王十餘歲侍宴賦詩十韻援筆便就僕射徐

陵甚竒之入隋為絳郡通守歸歎於唐授丞相府主簿
與記室溫大雅同掌機密軍書敕令及禪代文誥多叔
達所為進黃門侍郎兼納言侍中封江國公貞觀中拜
禮部尚書集十五卷今存詩九首

早春桂林殿應詔

金鋪照春色玉律動年華
朱樓雲似蓋丹桂雪如花
水岍銜階轉風條出柳斜
輕輿臨太液湛一作仙露酌流霞

後渚置酒

太渚初驚夜中流沸鼓聲寒沙滿曲浦夕霧上邪谿岼
廣鳧飛急雲深鴈度低嚴闕猶未遂一作達此夕待晨雞

聽鄰人琵琶

本是龍門桐因妍入漢宮香綠羅袖裏聲逐朱絃中雖
有相思韻翻將入塞同闕山臨却月花藥散迴風為將
金谷引添令曲未終

州城西園入齋祠社

升壇預潔祀詰早肅分司達氣風霜積登光日色遲農

教先八政陽和秩四時祈年服垂冕告幣動塞帷瘞地
尊餘奠人天庶有資椒蘭卒清酌簋簋徹香其折俎分
歸昨充庭降受釐方憑知禮節况奉化雍熙

春首

雪花聯玉樹冰彩散瑤池翔禽遙出沒積翠遠參差

初年

和風起天路

一作表
一作霧

嚴氣消冰井索索枝未柔厭厭漏

猶永

詠菊

霜間開紫蒂露下發金英但令逢採摘寧辭獨晚榮

自君之出矣

一作賈
馮吉詩

自君之出矣紅顏轉憔悴思君如明燭煎心且銜淚
自君之出矣明鏡罷紅粧思君如夜燭煎淚幾千行

袁朗

袁朗雍州長安人勤學好屬文在陳釋褐秘書郎甚為
江總所重嘗製千字詩當時以為盛作後主召入禁中

使為月賦染翰立成遷太子洗馬仕隋為儀曹郎入唐授齊王文學轉給事中貞觀初卒太宗稱其謹厚悼惜之集十四卷今存詩四首

賦飲馬長城窟

朔風動秋草清蹕長安道長城連

一作道

不窮所以隔華

戎規模惟聖作負荷曉成功烏庭已向內龍荒更鑿空

玉闕塵卷靜金微

一作徽

路已通湯征隨壯怨舜詠起南

風畫地功初立綏邊事云集朝服踐狼居凱歌旋馬邑

山響傳鳳吹霜華藻瓊鉞屬國擁節歸單于款關入日

落寒風起驚蓬

一作沙

被原隰零落葉已寒河流清且急

四時徭役盡

一作靜

千載干戈戢太平今若斯汗馬竟無

施唯當事筆硯歸去草封禪

和洗椽登城南坂望京邑

二華連陌塞九隴統金方輿區稱富貴重險擅雄強龍
飛灑水上鳳集岐山陽神臯多瑞蹟列代有興王我后
膺靈命爰求宅茲土宸居法太微建國資天府玄風叶

一作融

黎庶德澤浸區宇醒醉各相扶謳歌從聖主南登

少陵岼還望帝城中帝城何鬱鬱佳氣乃蔥蔥金鳳凌
綺觀璇題敞蘭宮複道東西合交衢南北通萬國朝前
殿羣公議宣室鳴珮含早風華蟬曜朝日栢梁宴初罷
千鍾歡未畢端拱肅巖廊思賢聽琴瑟逶迤萬雉列隱
軫千閭布飛甍夾御溝曲臺臨上路處處歌鐘鳴喧闐
車馬度日落長楸間含情兩相顧是月冬之季陰寒晝
不開驚風四面集飛雪千里迴狐白登廊廟牛衣出

一作

葉
草萊詎知韓長孺無復重然灰

秋日應詔

玉樹涼風舉金塘細草萎葉落商飈觀鴻歸明月池迎

寒桂酒熟含露

一作霧

菊花垂一奉章臺宴千秋長願斯

秋夜獨坐

一作邢
鉅詩

危弦斷客心虛彈落驚禽新秋百慮淨

一作盡

獨夜九愁

深枯蓬唯逐吹墜葉不歸林如何悲此曲坐作白頭吟

竇威

竇威字文蔚扶風平陵人太穆皇后從父兄也初為高祖丞相府司錄叅軍博物多識朝章國典皆其所定終內史令集十卷今存詩一首

出塞曲

匈奴屢不平漢將欲縱橫看雲方結陣却月始連營潛軍度馬邑揚旆掩龍城會勒燕然石方傳車騎名

長孫無忌

長孫無忌字機輔河南洛陽人文德皇后之兄好學有

籌畧佐太宗定天下以功第一封齊國公歷尚書僕射
司空誠懼盈滿固辭不許復拜司徒貞觀十七年圖功
臣二十四人於凌煙閣無忌為之冠高宗即位進冊太
尉知門下省後為許敬宗誣構貶死黔州詩三首

新曲二首

阿儂

一本無此二字

家住朝歌下早傳名結伴來游淇水上舊

長情玉珮金鈿隨步遠

一作動

雲羅霧縠逐風輕轉目機

心懸自許何須更待聽琴聲

迴雪凌波游洛浦遇陳王婉約娉婷工語笑侍蘭房芙蓉綺帳還開揜翡翠珠被爛齊光長願今宵奉顏色不愛吹

一作聞

簫逐鳳皇

灞橋待李將軍

颯颯風葉下遙遙煙景曛霸陵無醉尉誰滯李將軍

顏師古

顏師古字籀

舊唐書云顏籀字師古

雍州萬年人齊黃門侍郎之

推之孫博覽羣書尤精訓詁隋末為安養尉高祖入關

謁見長春宮授朝散大夫累遷中書舍人專掌機密太宗初擢中書侍郎考定五經多所釐正頒其書令天下學習所注班固漢書急就章大行於世終秘書監弘文館學士集六十卷今存詩一首

奉和正日臨朝

七政璿衡始三元寶歷新負屨延百辟垂旒御九賓肅肅昏鷓鷯濟濟盛簪纓一作紳天涯致重譯日域獻奇珍

杜淹

杜淹字執禮隋時隱太山文帝惡之謫戍江表秦王引
為天策府曹叅軍文學館學士侍宴賦詩尤工賜金鍾
坐事流雋州太宗召拜御史大夫檢校吏部尚書叅預
朝政詩三首

召拜御史大夫贈袁天綱

紀事云淹始見袁天綱於洛天綱謂曰蘭

臺成就學堂寬廣又語曰二十外終恐責黜
暫去即還武德六年以善隱太子配流雋州至
九年六月召入天綱曰公至京師即得
三品要職果拜御史大夫乃贈詩云

伊吕深可慕喬松定是虛繫風終不得脱屣欲安如且

珍純素美當與薜蘿疎
既逢楊得意非復久閒居

詠寒食鬪雞應秦王教

唐新語云太宗戲內雞以淹為御史大夫因詠

雞以致意焉

寒食東郊道

一作上

揚鞦競出籠花冠初

一作偏

照日芥羽

正生風顧敵知心勇先鳴覺氣雄
長翹頻掃陣利爪

一作

距屢通中飛毛遍綠野灑血清芳藂
雖然

一作言

百戰

一作

關勝會自不論功

寄贈齊公

冠蓋遊梁日詩書問志年佩蘭長坂上攀桂小山前結
交澹若水履道直如弦此歡終未極于茲獨播遺赭衣
登蜀道白首別秦川淚隨溝水逝心逐曉旌懸去去逾
千里悠悠隔九天郊野間長薄城闕隱凝煙關門共月
對山路與雲連此時寸心裏難用尺書傳

御定全唐詩卷三十